



Tuarascáil Bhliantúil 2010

© NCSE 2011

Bunaíodh an Chomhairle Náisiúnta um Oideachas Speisialta faoin Acht um Oideachas do Dhaoine a bhfuil Riachtanais Speisialta Oideachais Acu, 2004 (EPSEN Act 2004) le héifeacht ón 1 Deireadh Fómhair 2005.

Bunaíodh an Chomhairle chun feabhas a chur ar sheachadadh seirbhísí oideachais do dhaoine a bhfuil riachtanais oideachais speisialta acu le béim faoi leith ar leanaí.

National Council for Special Education

1–2 Mill Street

Trim

Co. Meath

An Chomhairle Náisiúnta um Oideachas Speisialta

1–2 Sráid an Mhuilinn

Baile Átha Troim

Co. na Mí

T: 046 948 6400

F: 046 948 6404

www.ncse.ie

Clár an Ábhair

Réamhrá	5
An Eagraíocht	7
Bearta Mórtábhachta na Bliana 2010	8
Príomhchuspóir Straitéise 1	9
Príomhchuspóir Straitéise 2	12
Príomhchuspóir Straitéise 3	13
Príomhchuspóir Straitéise 4	16
Príomhchuspóir Straitéise 5	18
Cúrsaí Rialachais	21
Aguisíní	24

Réamhrá

Cheap an tAire Oideachais agus Scileanna Comhairle nua ar feadh téarma trí bliana le héifeacht ón 1 Eanáir 2010 ó bhí an téarma oifige curtha isteach ag an gComhairle roimhe sin ag an NCSE ar an 31 Nollaig 2009. Tugtar cuntas sa tuarascáil bhliantúil seo ar an dul chun cinn a rinne an NCSE i ndáil le cuspóirí na heagraíochta mar a leagtar amach sa phlean oibre don bhliain 2010, bunaithe ar an bPlean Straitéise 2008-2011, a thabhairt i gcrích.

Ar cheann de na dúshláin a chuirtear roimh an gComhairle nua, tá socrú ar an dáileadh agus ar an úsáid is fearr as acmhainní mar chúnamh taca maidir le daltaí a bhfuil riachtanas speisialta oideachais acu. Lean na heagraithe riachtanas speisialta oideachais (SENOnna) den tseirbhís ghairmiúil a chur ar fáil do na scoileanna ar fud na tíre chun cinntiú go ndéantar na hacmhainní a dháileadh ar bhealach éifeachtach, follasach agus tráthúil ar na scoileanna. Ba mhaith liom meas na Comhairle ar an dúthacht agus ar an díograis a bhíonn i gcónaí acu i leith a gcuid oibre a chur in iúl.

Lean an NCSE de chlár leathanréimseach taighde a thabhairt chun cinn i réimse an oideachais speisialta agus d'fhairsingiú a dhéanamh air. D'aontaigh an Chomhairle i ndeireadh na bliana 2010 ar chomhairle le cur faoi bhráid an Aire maidir leis an mbeartas i leith ról na scoileanna speisialta agus na ranganna speisialta in Éirinn san am atá le theacht.

Tuigeann an Chomhairle na cúinsí géara eacnamaíochta sa tír faoi láthair agus bearta is gá a dhéanamh chun cúrsaí airgeadais poiblí a chur ina gceart, faoi mar a d'fhoilsigh an Rialtas sa Phlean Téarnaimh Náisiúnta 2011-2014. Is gné mhórthábhachta den scéal don Chomhairle go mbeadh cúnamh taca dóthaineach á chur ar fáil i gcónaí do leanaí a bhfuil riachtanais speisialta oideachais acu agus go mbeadh an cúnamh atá ar fáil dírithe ar na leanaí sin is mó atá ina chall.

Chuaigh an tUasal Pat Curtin, a ceapadh ina Phríomhoifigeach Feidhmiúcháin sa bhliain 2003, ar scor ag deireadh na bliana 2010. Ba mhaith leis an gComhairle an deis seo a thapú chun an ról buntábhachtach a bhí aige i mbunú na heagraíochta agus an cion oibre suntasach a rinne sé maidir leis an stiúir straitéiseach a cuireadh faoin eagraíocht a leagan amach a thréaslú leis.

Mar fhocal scoir, ba mhaith liom féin buíochas a ghlacadh le comhaltaí uile na Comhairle nuacheaptha agus le foireann an NCSE mar gheall ar an gcúnamh agus ar an treoir a chuir siad ar fáil maidir leis an iliomad ceist thábhachtach a pléadh i rith na bliana. Táimid ag tnúth le leanacht d'obair an NCSE i mbun seirbhís a chur ar fáil go háitiúil do na scoileanna agus do na tuismitheoirí mar chúnamh taca do leanaí a bhfuil riachtanais speisialta oideachais acu agus saothar taighde a fhoilsiú agus comhairle a chur ar an Aire faoin mbeartas i ndáil le ceisteanna a bhaineann leis an oideachas orthu.

Sydney Blain

Cathaoirleach, An Chomhairle Náisiúnta um Oideachas Speisialta

An Eagraíocht

Leagtar roinnt feidhmeanna buntábhachta i ndáil le leanaí a bhfuil riachtanais speisialta oideachais acu ar an gComhairle Náisiúnta um Oideachas Speisialta faoin Acht um Oideachas do Dhaoine a bhfuil Riachtanais Speisialta Oideachais Acu (ODRSO), 2004. I rith na bliana 2010, bhí obair ar bun ag an gComhairle sna réimsí oibre seo a leanas a bhaineann leis na feidhmeanna sin:

1. eolas oiriúnach a scaipeadh faoin sárchleachtas, sa tír seo agus go hidirnáisiúnta, i ndáil le hoideachas ar leanaí a bhfuil riachtanais speisialta oideachais acu
2. pleanáil agus comhordúchán a dhéanamh, i gcomhairle leis na scoileanna, leis na húdaráis sláinte agus le dreamanna eile de réir mar is cuí, ar sheirbhísí oideachais agus seirbhísí taca a chur ar fáil do leanaí a bhfuil riachtanais speisialta oideachais acu
3. eolas a chur ar fáil do thuismitheoirí leanaí a bhfuil riachtanais speisialta oideachais acu maidir lena bhfuil siad féin ina theideal agus a bhfuil a gcuid leanaí ina theideal
4. measúnacht agus athbhreithniú a dhéanamh maidir leis na hacmhainní atá de dhíth i ndáil leis an soláthar oideachais do leanaí a bhfuil riachtanais speisialta oideachais acu agus dáil a dhéanamh ar acmhainní den chineál sin
5. cinntiú go mbíonn soláthar seasta leanúnach den oideachas speisialta ar fáil de réir mar is gá i ndáil le gach cineál míchumais
6. comhairle a chur ar an Aire maidir le ceisteanna a bhaineann le hoideachas leanaí agus dhaoine eile atá faoi mhíchumas
7. obair thaighde faoi cheisteanna a bhaineann le feidhmeanna na Comhairle a dhéanamh, a chur ar coimisiún agus a fhoilsiú.

I rith na bliana 2010, bhí 109 duine fostaithe ag an NCSE ionas go bhféadfaí na feidhmeanna sin thuas a thabhairt i gcrích, ina measc 87 Eagraí Riachtanais Speisialta Oideachais (SENO) atá lonnaithe ar bhonn áitiúil agus a chuireann seirbhís áitiúil ar fáil do scoileanna agus do thuismitheoirí.

Bearta Mórthábhachta na bliana 2010

1. Cúnamh taca maidir le acmhainn múinteoireachta agus cúntóirí riachtanas speisialta a dháileadh (SNA) ar na scoileanna i dtaca le leanaí a bhfuil riachtanais speisialta oideachais acu.
2. Rinne Eagraithe SENO próiseáil ar níos mó ná 13,600 iarratas ar uaireanta breise teagaisc i mbunsoileanna agus i scoileanna iarbhunscoile.
3. Rinne Eagraithe SENO próiseáil ar níos mó ná 5,700 iarratas ar chúnamh taca SNA i mbunsoileanna agus i scoileanna iarbhunscoile.
4. Clár taighde forleithheadach lenar bhain trí thuarascáil taighde eile a fhoilsiú agus trí thionscadal taighde nua a chur amach ar coimisiún.
5. Eagraíodh an dara seimineár taighde de chuid an NCSE i mí na Samhna 2010. Rinneadh le linn an tseimineáir sin roinnt tuarascálacha taighde buntábhachta a tugadh chun críche i rith na bliana 2010 a chur i láthair agus bhí níos mó ná céad ceathracha duine i láthair idir geallsealbhóirí i gcúrsaí oideachais, tuismitheoirí agus grúpaí daoine faoi mhíchumas.
6. D'aontaigh an Chomhairle ar an gcomhairle a cuireadh ar fáil faoin mbeartas maidir le ról na scoileanna speisialta agus na ranganna speisialta in Éirinn san am atá le theacht.
7. D'aontaigh an Chomhairle treoirlínte sárchleachtais do na scoileanna dar teideal: Creat don Oideachas Ilchuimsitheach: Treoir do na scoileanna maidir le hilchuimsitheacht agus daltaí a bhfuil riachtanais speisialta oideachais acu.
8. Tugadh athbhreithniú ar dháileadh na gCúntóirí Riachtanas Speisialta ar fud na tíre agus ar thoradh na beartaíochta chun críche agus tugadh tuairisc ina leith don Aire Oideachais agus Scileanna.

Príomhchuspóir Straitéise 1

An bealach a réiteach do leanaí a bhfuil riachtanais speisialta oideachais acu ionas go dtéann siad faoi oideachas cuí i dtimpeallacht shoicheallach

An Próiseas maidir le hAcmhainní a Dháileadh i rith na bliana 2010

Seoladh treoirlínte maidir le próiseas na n-iarratas chuig gach bunscoil agus scoil iarbhunscoile i mí Feabhra 2010. Seoladh treoirlínte chuig na Scoileanna Speisialta i mí Márta 2010. Rinneadh soláthar leis na treoirlínte do phróiseas ar aon dul leis an bpróiseas a bhí i bhfeidhm i rith na bliana roimhe sin. Rinneadh de ghnáth próiseáil taobh istigh de thréimhse 4 - 6 seachtaine ar iarratais a raibh na tuarascálacha ba ghá ó lucht gairme istigh leo.

Rinne Eagraithe SENO próiseáil ar níos mó ná 13,600 iarratas ar uaireanta breise teagaisc i mbunsoileanna agus i scoileanna iarbhunscoile i ndáil leis an scoilbhliain 2009-2010. Rinne Eagraithe SENO próiseáil ar níos mó ná 5,700 iarratas ar chúnamh taca SNA i mbunsoileanna agus i scoileanna iarbhunscoile i rith na scoilbhliana 2009-2010. Tugtar Táblaí Staitisticí i ndáil leis an mbliain acadúil 2009-2010 in Aguisín 3.

D'fhógair an Roinn Oideachais agus Scileanna i mí na Nollag 2010 go raibh uasteorainn á cur, de bhun an Phlean Téarnaimh Náisiúnta, le líon na gCúntóirí Riachtanas Speisialta. Socraíodh uasteorainn náisiúnta 10,575 Cúntóir Riachtanas Speisialta. I mí na Nollag 2010, rinne an NCSE athbhreithniú i ndáil le líon na bpostanna SNA a bhí ar bun sna scoileanna an tráth sin d'fhone cinntiú go raibh líon iomlán na bpostanna ar fud na tíre faoi bhun na huasteorann aontaithe i gcónaí. Chuir an NCSE tús leis an bpróiseas iniúchta faoin dóigh a ndéanfaí líon faoi bhun na huasteorann náisiúnta de na SNAanna a dháileadh i ndáil leis an mbliain acadúil 2011/2012.

Athbhreithniú maidir le Cúntóirí Riachtanas Speisialta (SNA)

I mí Feabhra 2009, d'iarr an Roinn Oideachais agus Scileanna (DES) ar an NCSE socrú go ndéanfaidh na hEagraithe Riachtanas Speisialta Oideachais (SENONna) athbhreithniú i ndáil le dáileadh na gCúntóirí Riachtanas Speisialta ar na scoileanna ar fad d'fhone cinntiú go raibh na critéir dá sásamh ar dá réir a dhéantar dáileadh ar phostanna den sórt sin. Thug an NCSE tuairisc fhoirmeálta ar thoradh an Athbhreithnithe Náisiúnta maidir le SNAanna don Aire agus foilsíodh tuarascáil i mí Meán Fómhair 2010. Tá tábla thall ina leagtar amach go hachomair an t-athrú foriomlán ar líon na SNAanna sna scoileanna ar fad a tugadh faoi athbhreithniú (Tábla 1).

Rinneadh an t-athbhreithniú náisiúnta i rith an dá scoilbhliain 2008/2009 agus 2009/2010. Dá thoradh sin, ní bheadh an figiúr náisiúnta tar éis an athbhreithnithe ionann le líon iomlán na bpostanna SNA sna scoileanna ar an 1 Meán Fómhair 2010 ó tharla go bhféadfadh gur tar éis scoil a thabhairt faoin athbhreithniú a tharlódh na próisis dáiliúcháin bhliantúla.

Go ginearálta braitheann líon na SNAanna a chuirfí i leith scoile ar:

- líon na leanaí a bhfuil riachtanas le haire shuntasach acu atá cláraithe sa scoil
- líon na leanaí den sórt sin atá ag fágáil na scoile
- líon na leanaí nua atá ag teacht isteach a bhfuil riachtanas acu le haire shuntasach
- an acmhainn atá sna leanaí ar fad a bhfuil riachtanas acu le haire shuntasach scileanna maireachtáil go neamhspleách a thabhairt chun cinn.

Tábla 1: Athrú iomlán ar Líon na SNAanna sna Scoileanna ar fad a tugadh faoi Athbhreithniú (n= 3,056 scoil)

	Líon na SNAanna
Roimh an Athbhreithniú	9,829
Tar éis an Athbhreithnithe	9,395
An tAthrú Iomlán	- 434

Próiseas Achomhairc NCSE

I mí Feabhra 2010, thug an NCSE isteach córas achomhairc do scoileanna agus do thuismitheoirí i ndáil le hacmhainn múinteoireachta agus cúnamh taca SNA a chur ar fáil do scoileanna. Is féidir achomharc a iarraidh i ndáil le cinneadh sa chás go n-áitítear

1. go ndearna an SENO míthuiscint a bhaint as polasaí na Roinne Oideachais agus Scileanna nó neamhaird a dhéanamh de nó
2. nár thug an SENO san áireamh fianaise ar riachtanas oideachais agus / nó riachtanas aire an linbh nó na hacmhainní atá ar fáil taobh istigh den scoil nuair a bhí polasaí na Roinne Oideachais agus Scileanna á chur i bhfeidhm nó
3. meascán de (1) agus (2) thuas.

Chuir scoileanna agus thuismitheoirí tús le 172 cás achomhairc i rith na bliana 2010. Ar achomharc a thionscnamh, tugann an SENO soiléiriú ar an mbonn a bhí leis an mbreith. Bhí 119 cás achomhairc ar leanadh ar aghaidh leo, tar éis an phróisis sin, go dtí an chéim faoina ndéanann SENO sinsearach an cheantair próiseáil ar an achomharc. Seasadh leis an mbunbhreith in 111 cás acu sin agus rinneadh an chéad bhreith a leasú maidir le hocht gcinn de na cásanna.

Fóram Comhairliúcháin

Cheap an Chomhairle an dara Fóram Comhairliúcháin i mí Bealtaine 2010 agus tionóladh an chéad chruinniú den Fhóram ar an 19 Lúnasa 2010. Toghadh Comhchathaoirligh agus rinneadh plé ar ról agus ar oibriú an Fhórait. Díríodh ag dhá chruinniú eile (an 7 Deireadh Fómhair / an 16 Samhain) ar chomhairliúchán i ndáil leis an obair ullmhúcháin ar chomhairle an NCSE faoin mbeartas maidir le ról na scoileanna speisialta agus na ranganna speisialta in Éirinn san am atá le theacht. Tháinig an tuarascáil dheireanach faoi thionchar agus faoi anáil na dtuairimí a cuireadh i láthair ag an bhfóram.

Clár Idirlín don Fhorbairt Ghairmiúlachta Leanúnach d'Eagraithe Riachtanas Speisialta Oideachais (SENO)

Tar éis próiseas tairiscintí, bronnadh conradh ar Choláiste Phádraig, Drom Conrach, i mí Meán Fómhair 2010 i ndáil leis an bpleanáil agus an leagan amach, leis an bhforbairt agus an tabhairt i gcrích ar chúrsa a chuirfí ar fáil i bhfoirm modúl ar an idirlíon don Fhorbairt Ghairmiúlachta Leanúnach ar an SENO agus cuireadh tús leis an obair ar an gcúrsa a thabhairt chun cinn. Féachtar tríd an gcúrsa seo le forbairt ghairmiúlachta chuí a bheith ar fáil ag an SENO i réimse an oideachais speisialta, ionas gur éifeachtúla is féidir feidhmeanna na Comhairle Náisiúnta um Oideachas Speisialta i ndáil leis an gcomhordúchán ar sheirbhísí oideachais do leanaí agus do dhaoine óga a bhfuil riachtanas oideachais speisialta acu a chomhlíonadh.

Leagan amach an chúrsa

- Modúl 1: Oideachas Speisialta: Comhthéacs na Staire agus na Linne Seo
- Modúl 2: An Ilchuimsitheacht & Daltaí a bhfuil Riachtanais Speisialta Oideachais Acu
- Modúl 3: Scoileanna & Gníomhaireachtaí i mbun a gcuid feidhmeanna
- Modúl 4: Pleanáil ar Bhonn Dalta Aonair i ndáil le Daltaí a bhfuil Riachtanais Speisialta Oideachais Acu.

NUAHT NCSE

Foilsíodh dhá eagrán de nuachtlitir NCSE i bhfoirm leictreonach ar an láithreán gréasáin (i mí Bealtaine agus i mí na Nollag 2010). Is iad na príomhscéalta a bhí iontu:

1. An Chomhairle nua a cheapadh, Eanáir 2010 – Mí na Nollag 2012
2. An dara Fóram Comhairliúcháin de chuid NCSE a cheapadh agus
3. Tuairisc faoi Sheimineár Taighde NCSE (eagrán Mhí na Nollag)).

Tá na heagraínn ar fad den nuachtlitir ar fáil ar láithreán gréasáin an NCSE.

Creat don Oideachas Ilchuimsitheach: Treoir do na scoileanna maidir le hilchuimsitheacht agus daltaí a bhfuil riachtanais speisialta oideachais acu

Thug an NCSE an fhorbairt ar threoirínte faoin sárchleachtas ag scoileanna chun críche. Bunaíodh an fhorbairt ar an gCreat don Oideachas Ilchuimsitheach ar athbhreithniú a rinneadh ar an sárchleachtas i dtíortha thar lear; ar phróiseas comhairliúcháin forleathan; ar thástáil láithreach i ndeich gcinn de scoileanna in Éirinn; agus ar athbhreithniú agus plé rialta a rinne grúpa comhairleach a bhí i mbun monatóireachta ar an bpróiseas forbartha ar dhréachtanna éagsúla de réir mar a cuireadh ar fáil iad. Is féidir le scoileana, ar bhonn deonach, leas a bhaint as an gcreat chun nósanna oibre d'fhonn an ilchuimsitheacht i ndáil le daltaí a bhfuil riachtanas oideachais speisialta acu a mheas agus a thabhairt chun cinn.

Príomhchuspóir Straitéise 2

Sonrúchán agus deimhniúchán ar chláir oideachais do leanaí a bhfuil riachtanais speisialta oideachais acu a chur chun cinn agus monatóireacht a dhéanamh ar thoradh na beartaíochta

Ionadaíocht ar Choistí Stiúrtha

Bhí ionadaíocht ag an NCSE ar an gCoiste Stiúrtha maidir leis na comhlachtaí seo a leanas a bhfuil baint acu le cláir oideachais do leanaí a bhfuil RSO acu a shonrú:

1. An Chomhairle Náisiúnta Curaclaim agus Measúnachta (NCCA): An Coiste Stiúrtha maidir le hOideachas Speisialta

Ar chuid d'obair an choiste seo i rith na bliana 2010, bhí plé ar na Cláir Foghlama ar Leibhéal 2 atá á dtabhairt chun cinn ag an NCCA lena n-úsáid i ndáil le daltaí atá faoi mhíchumas ginearálta foghlama i scoileanna iarbhunscoileanna.

2. An tSeirbhís Tacaíochta d'Oideachas Speisialta (SESS)

Tá d'aidhm ag an tseirbhís seo cur le caighdeán na foghlama agus an teagaisc i ndáil leis an soláthar d'oideachas speisialta. Déanann an SESS comhordúchán agus forbairt ar réimse tionscnamh agus córas taca do lucht foirne scoile atá ag obair le daltaí a bhfuil riachtanais oideachais speisialta acu i scoileanna bunscoile agus iarbhunscoile den ghnáthchineál, i scoileanna speisialta agus i ranganna speisialta, chomh maith leis na tionscnaimh agus córais sin a thabhairt i gcrích.

Príomhchuspóir Straitéise 3

Comhordú a dhéanamh ar an gcúnamh taca a chuirtear ar fáil ionas gur féidir oideachas den ilchuimsitheacht agus den éifeacht do leanaí a bhfuil riachtanais speisialta oideachais acu a thabhairt i gcrích

Measúnacht i ndáil le Riachtanais (Daltaí faoi bhun 5 bliana d'aois)

Is gné bhuntábhachtach den Straitéis Náisiúnta Míchumais atá san Acht Míchumais 2005 a bhfuil leagtha amach leis soláthar a dhéanamh do pháirt dhaoine atá faoi mhíchumas i saol an phobail agus bonn taca a chur faoi sin trí sheirbhísí sonracha a chur ar fáil do dhaoine atá faoi mhíchumas agus cur leis an teacht ar na gnáthsheirbhísí poiblí.

Tugadh Cuid 2 den Acht Míchumais, 2005 i bhfeidhm i mí Meitheamh 2007 agus cuireadh córas ar bun don mheasúnacht i ndáil le leanaí faoi bhun cúig bliana d'aois atá faoi mhíchumas. De réir fhorálacha an Achta, is féidir leis an Oifigeach Measúnachta cúnamh a iarraidh ar an NCSE maidir leis na seirbhísí oideachais a d'fhéadfadh a bheith ar fáil don leanbh a shonrú. Tháinig 662 iarratas ar chúnamh chuig an NCSE i rith na bliana 2010 agus rinneadh an phróiseáil ina leith.

An tOmbudsman do Leanaí

Chuir an tOmbudsman do Leanaí caidreamh ar an NCSE i rith na bliana 2010 lena rá nár tháinig an NCSE faoi scáth na hOifige maidir le himscrúdú a dhéanamh agus gur féachadh lena thabhairt ndéanfaí an reachtaíocht ina leith sin a leasú. Lean an NCSE, ar mhaithe le dea-thoil agus follasacht, den chomhoibriú le hoifig an Ombudsman do Leanaí i ndáil le gearáin faoi ról na Comhairle sa dáileadh ar acmhainní do leanaí a bhfuil riachtanais speisialta oideachais acu.

Bhí comhoibriú idir an Chomhairle agus Oifig an Ombudsman do Leanaí i ndáil le sé cinn de chásanna i rith na bliana 2010.

An Phróiseail ar Chásanna Achomhairc faoi Alt 29 an Achta Oideachais

Foráiltear faoi Alt 29 an Achta Oideachais gur féidir le tuismitheoirí achomharc a dhéanamh faoi bhreith scoile, is é sin breith i ndáil le:

- Leanbh a choinneáil amach as an scoil go buan
- Leanbh a chur ar fionraí ón scoil
- Diúltú leanbh a chlárú.

Coiste Achomhairc atá curtha ar bun ag an Roinn Oideachais agus Scileanna a dhéanann achomharc dá leithéid a phróiseáil.

Chuir an Chomhairle eolas ar fáil don Choiste Achomhairc i rith na bliana 2010 i ndáil le 84 cás trínar tionscnaíodh an próiseas faoi alt 29 a bhain le leanaí a raibh tugtha de dhiagnóis ina leith go raibh riachtanas speisialta oideachais acu.

Obair i gcomhar le Gníomhaireachtaí eile

Prótacail maidir leis an gcomhobair leis an tSeirbhís Náisiúnta Siceolaíochta Oideachais (NEPS) a thabhairt chun cinn agus a chur i bhfeidhm

Eisíodh prótacail don obair i gcomhar idir an NCSE agus NEPS i mí Meán Fómhair 2010 agus rinneadh a scaipeadh ar fud an dá ghníomhaireacht. Tugadh isteach na prótacail ag comhchruinniú de na meithle sinsearach a ón dá ghníomhaireacht san Túr Cloig, an Roinn Oideachais agus Scileanna ar an 14 Meán Fómhair 2010 agus scaipeadh ar na meithle áitiúla iad trí shraith cruinnithe áitiúla a tionóladh ar fud na tíre.

Leithdháileadh ar acmhainní do leanaí a bhfuil Neamhord Mothúcháinach agus Iompraíochta orthu agus Athbhreithniú ina leith sin

Rinneadh teimpléid maidir leis an dáileadh ar acmhainní do leanaí a bhfuil neamhord mothúcháinach agus iompraíochta ag gabháil dóibh agus maidir le hathbhreithniú ina leith sin, faoi mar a aontaíodh go críochnúil leis an gColáiste Síciatraithe i rith na bliana 2008, a scaipeadh i mí Feabhra 2010 d'fhonn a n-úsáid ag Eagraithe Riachtanas Speisialta Oideachais NCSE.

An Institiúid Taighde Eacnamaíochta agus Sóisialta (ESRI)

Tá ionadaíocht ag an NCSE ar an nGrúpa Stiúrtha a stiúrann obair Chlár Taighde an ESRI maidir le Fágáil na Scoile in Éirinn. Tá réimse beart staidéir ag baint leis an gClár sin i ndáil le taithí dhaoine óga ar an oideachas, ar an oiliúint agus ar an margadh saothair tar éis na scoile. Is é a bhaineann leis an gcéad bheart staidéir faoin gclár seo tionscadal maidir le taithí an díorma daoine óga a ghlac páirt i Staidéar Fadtréimhseach Iarbhunscoile NCCA/ESRI ar an saol tar éis dóibh an scoil a fhágáil. (Leanadh 900 iardhalta as dhá cheann déag de scoileanna ar feadh a gcuid oideachais iarbhunscoile maidir leis an mbeart staidéir fadtréimhseach seo.)

Tosaíodh i rith na bliana ar an obair allamuigh don staidéar forleanta faoin gclár maidir le Fágáil na Scoile in Éirinn agus tá i gceist go dtabharfar sin chun críche i rith na bliana 2011. Déanfar suirbhéireacht i ndáil le taithí an 900 iardhalta as díorma an staidéir fhadtréimhsigh, chomh maith le daoine eile ón dá cheann déag de scoileanna ar fhágáil na scoile dóibh. Déantar mar chuid den staidéar, aird a dhíriú ar thaithí dhaoine óga a bhfuil riachtanais speisialta oideachais acu ar an saol tar éis na scoile agus cnuasófar fianaise eimpíreach nua faoi shlite beatha agus saol na n-iardhaltaí sin.

An Oifig Náisiúnta don Rochtain Chothrom san Údarás um Ard-Oideachas

Tá ionadaíocht i gcónaí ag an NCSE ar an nGrúpa Comhairleach san Oifig Náisiúnta don Rochtain Chothromach don Ardoideachas. Cuireadh an Oifig ar bun chun an bealach a

réiteach do theacht agus deis ar oideachas a bheith ag grúpaí tearcionadaíochta (daoine faoi mhíchumas san áireamh) i ndáil le réimse an ardoideachais. D'fhoilsigh an Oifig Plean Náisiúnta don Rochtain Chothrom don Ardoideachas 2008 - 2013 ina leagtar amach bearta sonracha i ndáil le páirt ag daoine faoi mhíchumas. Déanann an Oifig bainistíocht freisin ar chiste do dhaoine faoi mhíchumas trína gcuirtear cabhair airgid ar fáil i ndáil le bearta taca agus seirbhísí breise do mhic léinn faoi mhíchumas i réimsí an bhreisoideachais agus an ardoideachais. Cuireann an Grúpa Comhairleach cúnamh taca agus comhairle ar fáil don Oifig maidir leis an bPlean Náisiúnta a thabhairt chun cinn agus a thabhairt faoi athbhreithniú leanúnach agus i ndáil leis na feidhmeanna ginearálta a leagtar ar an Oifig a chomhlíonadh.

An Ghníomhaireacht Eorpach don Fhorbairt ar Oideachas Riachtanas Speisialta (EADSNE)

Lean an Comhairleoir maidir le hOideachas Speisialta i ról an Chomhordaitheora Náisiúnta agus rinne ionadaíocht thar ceann na hÉireann ag na cruinnithe débhlantúla a eagraíodh i Madrid (Márta 2010) agus sa Liospóin (Mí na Samhna 2010). Bhí páirt ghníomhach ag Éirinn arís sna tionscadail seo a leanas de chuid EADSNE i rith na bliana:

- Oiliúint Múinteoirí maidir le cúrsaí ilchuimsitheachta
- Gairmoideachas agus Gairmoiliúint
- Oideachas Luathóige
- An tOideachas Ilchuimsitheachta á chur i ngníomh.

Tá eolas breise faoi na tionscadail thuasluaite ar fáil ar láithreán gréasáin na Gníomhaireachta ag <http://www.european-agency.org/>

Príomhchuspóir Straitéise 4

Cur leis an soláthar oideachais do leanaí a bhfuil riachtanais speisialta oideachais acu trí thaighde agus comhairle beartais ar ardchaighdeán

Clár Taighde

Foilsíodh tuarascálacha taighde de réir mar seo a leanas i rith na bliana 2010:

- *Na nósanna oibre a bhaineann le Diagnóis a thabhairt go bhfuiltear faoi Mhíchumas agus le Riachtanais Speisialta Oideachais a Mheas: Athbhreithniú Idirnáisiúnta*
- *Suirbhé Náisiúnta maidir le Meon Tuismitheoirí i leith Seirbhísí Speisialta Oideachais Áitiúla agus Náisiúnta agus a gCleachtadh orthu*
- *Athbhreithniú ar an Litríocht maidir leis na Prionsabail agus na Cleachtais a bhaineann leis an Oideachas Ilchuimsitheachta do Leanaí a bhfuil Riachtanais Speisialta Oideachais acu.*

Tugadh tionscadail taighde mar seo a leanas chun críche i rith na bliana 2010:

- Fardal Foilseachán Taighde agus Foilseachán a bhaineann leis an mBeartas i ndáil le Réims an Oideachais Speisialta ar Oileán na hÉireann ón mbliain 2000 i leith
- Fianaise i ndáil leis na Córais Sárchleachtais agus Toradh na Beartaíochta maidir leis an Oideachas ar Leanaí a bhfuil Cur Isteach Mothúchánach / Deacrachtaí Iompraíochta ag gabháil dóibh: Athbhreithniú Idirnáisiúnta
- Teachtaireacht ar an gCuraclam ag Daltaí a bhfuil Réimse Riachtanas Speisialta Oideachais acu ó na Naíonáin Shóisir go dtí Rang a Dó: Iniúchadh ar Thaithí Dhaltaí Óga ar an mBunscoil.

Leanadh den bhainistíocht ar na tograí seo a leanas:

- Taighde faoin Ilchuimsitheacht i Scoileanna na hÉireann (Tionscadal IRIS). Staidéar fadtréimhseach trína scrúdaítear an soláthar oideachais speisialta i scoileanna na hÉireann, taithí na ndaltaí a bhfuil riachtanais speisialta oideachais acu ar dhul faoi oideachas den chineál sin agus an toradh a bhíonn air.
- Staidéar ar an Aistriú ón mBunscoil go dtí Scoileanna Iarbhunscoile i gcás Dhaltaí a bhfuil Riachtanais Speisialta Oideachais acu.
- Staidéar ar Leitheadúlacht Riachtanas Speisialta Oideachais.
- Athbhreithniú ar Phróiseas NCSE maidir le Dáileadh Acmhainní agus Measúnóireacht ar Úsáid na nAcmhainní sna Scoileanna.
- Staidéar ar Thaithí Dhaltaí a bhfuil Riachtanais Speisialta Oideachais acu maidir le Rochtain agus Dul chun Cinn i ndáil le hAistriú ón Oideachas Éigeantach go dtí Réimsí an Bhreisoideachais agus an Ardoideachais.
- Athbhreithniú ar an Litríocht Taighde go hIdirnáisiúnta faoi Churaclam agus faoi Cheisteanna Rochtana maidir le Curaclam do Dhaltaí a bhfuil Riachtanais Speisialta Oideachais acu i dTimpeallachtaí Iarbhunscoile

Cuireadh roinnt tionscadal nua mar seo a leanas ar bun:

- Slata Tomhais maidir leis an Rannpháirtíocht, an Dul chun Cinn agus an Toradh a mheas i ndáil leis an Oideachas do Leanaí a bhfuil Riachtanais Speisialta Oideachais acu: Athbhreithniú

- Córas na Ranganna Speisialta in Éirinn: Cad é an leas atá astu ag daltaí a bhfuil riachtanais speisialta oideachais acu i scoileanna den ghnáthchineál?
- Leanúnachas an tSoláthair Oideachais do Leanaí a bhfuil Riachtanais Speisialta Oideachais acu: Athbhreithniú ar Pholasaithe agus ar Nósanna go hIdirnáisiúnta.

Seimineár Taighde

Eagraíodh an dara seimineár taighde de chuid an NCSE i mí na Samhna 2010. Cuireadh forléargas i láthair ag an seimineár ar an gclár taighde reatha agus ar an tionchar a bhí ón gclár taighde sin. Rinneadh roinnt tuarascálacha taighde buntábhachta a tugadh chun críche i rith na bliana 2010 a chur i láthair. Seo a leanas na tuarascálacha a bhí i gceist:

1. *An International Review of the Literature of Evidence of Best Practice Models and Outcomes in the Education of Children with Emotional Disturbance / Behavioural Difficulties* leis an Ollamh Paul Cooper ón University of Leicester
2. *Procedures used to Diagnose a Disability and to Assess Special Educational Needs: An International Review* leis an Ollamh Geoff Lindsay ón University of Warwick
3. *National Survey of Parental Attitudes and Experiences of Local and National Special Education Services* le Gillian Kane agus an Dr David Armstrong, PricewaterhouseCoopers LLP.

Bhí níos mó ná céad ceathracha duine i láthair ag an gcomhdháil, idir geallsealbhóirí i gcúrsaí oideachais, tuismitheoirí agus ionadaithe ó ghrúpaí maidir le daoine faoi mhíchumas.

Aontaíodh Clár Oibre na Bliana 2010 maidir leis an bhForbairt agus an Athbhreithniú ar Bheartais

Ba iad na bearta tús áite a sonraíodh comhairle a chur le chéile faoi:

- An ról a bheadh san am atá le theacht le scoileanna speisialta agus le ranganna speisialta in Éirinn
- An t-oideachas ar leanaí atá bodhar nó a bhfuil deacracht acu le cloisteáil.

Comhairle Beartais faoi Scoileanna Speisialta agus faoi Ranganna Speisialta

Tar éis cuid mhór plé agus cúitimh, d'aontaigh an Chomhairle ag an gcruinniú deireanach den bhliain 2010 ar an gcomhairle faoi bheartas i leith ról na scoileanna speisialta agus na ranganna speisialta in Éirinn san am atá le theacht.

Grúpa Saineolais Beartais agus Taighde faoin Oideachas do Leanaí a bhfuil Neamhord Mothúcháinach agus Iompraíochta Orthu

Bhí cúig cinn de chruinnithe i rith na bliana ag Grúpa Saineolais NCSE faoin oideachas ar leanaí a bhfuil neamhord mothúcháinach agus iompraíochta ag gabháil dóibh agus tugadh an obair chun críche i mí na Nollag 2010. Cuireadh páipéar buneolais le chéile ina leagtar amach na seirbhísí oideachais agus na seirbhísí sláinte atá ar fáil faoi láthair ag leanaí a bhfuil neamhord mothúcháinach agus iompraíochta ag gabháil dóibh.

Cuireadh dréacht de thuarascáil ón nGrúpa Saineolais faoi bhráid an Choiste Straitéise agus Beartais i mí na Nollag 2010.

Príomhchuspóir Straitéise 5

Cinntiú go ndéantar an NCSE a thabhairt chun cinn agus a choinneáil ina heagraíocht den éifeacht agus go bhfeidhmíonn sí ar bhealach a thagann leis na coinníollacha ar fad a bhaineann leis an reachtaíocht, le cúrsaí rialúcháin agus le rialachas corparáide

Comhchoiste an Oireachtais um Oideachas agus Scileanna

Rinne an NCSE de réir chuireadh teacht os comhair an Chomhchoiste um Oideachas agus Scileanna faoi dhó i rith na bliana 2010. I mí Márta, iarradh ar an gComhairle teacht os comhair an Choiste chun plé le ceistanna a bhain leis an athbhreithniú maidir le SNAnna agus tionchar an athbhreithnithe sin ar earnáil an oideachais go ginearálta. I mí na Nollag 2010, tugadh cuireadh don NCSE cur i láthair a dhéanamh faoi Oideachas Riachtanas Speisialta. Tá cóip den chur faoi bhráid sin ar fáil ar an láithreán gréasáin atá ag an NCSE <http://www.ncse.ie/publications/policy.asp>.

Forbairt bhreise ar an eagraíocht

Lean an NCSE i rith na bliana 2010 d'acmhainn na heagraíochta a thabhairt chun cinn mar eagraíocht éifeachtúil de réir na gcoinníollacha faoin reachtaíocht agus cúrsaí rialúcháin, de réir an pholasáí atá leagtha síos, de réir an chóid rialachais, de réir na srianta buiséid agus earcaíochta agus de réir na bpríomhchuspóirí straitéise.

Shaothraigh an NCSE i rith na bliana 2010 chun an bunchóras rialachais agus eagrúcháin a thabhairt chun cinn agus cinntiú go bhfuil an Cód Cleachtais maidir le Rialachas Comhlachtaí Stáit 2009 á chomhlíonadh. Cuireadh treoir leasaithe do chomhaltaí Comhairle NCSE ina bpléitear lena n-éilítear faoin gCód nua faoi bhráid na Comhairle nua ar na comhaltaí a cheapadh i rith na bliana 2010.

Pleanáil Straitéise agus an cur i bhfeidhm

Foilsítar an Ráiteas Straitéise 2008-2011, arna thabhairt chun cinn agus arna aontú ag Comhairle an NCSE, ar an láithreán gréasáin atá ag an NCSE. D'aontaigh an Chomhairle ar phlean oibre don bhliain 2010 a bhí ag teacht leis an bPlean Straitéise agus thug an Chomhairle an obair ar an bplean oibre sin a chur i bhfeidhm faoi athbhreithniú i rith na bliana.

Príomhfheidhmeannach a dhul ar scor

Thug Pat Curtin Uasal, a bhí ina Phríomhfheidhmeannach ar an NCSE ó bunaíodh í ar dtús, fógra don Chomhairle agus chuaigh sé ar scor ag deireadh na bliana 2010. Chuir Comhairle an NCSE tús leis na socruithe chun an post a líonadh. Fuarthas cead taobh istigh de na teorainneacha faoin gCreat Rialála Fostaíochta chun an post a líonadh.

Aontaíodh ar shonraíocht an phoist agus ar choinníollacha pearsanta chomh maith leis na socruithe do chomórtas oscailte a d'eagródh an tSeirbhís um Cheapacháin Phoiblí thar ceann an Choimisiúin um Cheapacháin Ardleibhéil.

Oiliúint agus Forbairt Foirne

Cuireadh cláir oiliúna agus forbartha ar fáil don fhoireann de réir mar a bhí gá. Dúshlán suntasach a chuirtear roimh an NCSE an acmhainn agus an cumas is gá a thabhairt chun cinn agus a choinneáil ar bun taobh istigh den eagraíocht féin ionas go gcinntítear go dtugtar na feidhmeanna corparáide agus eagraíochta ar fad i gcrích agus go sásaítear go hiomlán na coinníollacha rialachais ar fad. Tá dúshlán ag baint freisin leis an scaipeadh atá ar an bhfoireann áitiúil ag an NCSE. Tugadh clár oiliúna ar líne chun cinn d'fhonn na riachtanais a sonraíodh a shásamh. Tugtar eolas breise faoin tionscnamh sin faoi phríomhchuspóir straitéise 1. Tapaíonn an NCSE deiseanna comhchaidrimh ar fud na seirbhíse poiblí agus taobh istigh den eagraíocht maidir le hinniúlacht na foirne agus na heagraíochta a thabhairt chun tosaigh. Baintear leas as an gcóras bainistíochta agus forbartha feidhmíochta mar phróiseas den tábhacht trína sonraítear riachtanas forbartha agus oiliúna an duine aonair.

Cora nua maidir le ICT

Lean an NCSE den fhorbairt, den chothabháil agus den bhainistíocht ar chóras ICT slán éifeachtach agus ar an infrastruchtúr do líonra achair fhairsing lena mbaineann níos mó ná 40 oifig agus níos mó ná 100 oibrí. Tá aonad beag neamhtheicniúil ICT ag an NCSE féin agus socruithe seachtracha curtha ar bun mar bhonn treise maidir leis an infrastruchtúr, na crua-earraí agus na córais a fhorbairt agus a choinneáil ar bun.

Lean an NCSE den Chóras Riaracháin don Oideachas Speisialta (SEAS) a choinneáil ar bun. Tharla i rith na bliana 2010 gá le hathbhreithniú ar éifeachtúlacht an chórais sin i bhfianaise athruithe ar na próisis gnó. Chuir an NCSE athbhreithniú ar an SEAS le comhairleoir neamhspleách ar coimisiún agus cuireadh tús leis sin i rith na bliana 2010.

Infrastruchtúr Cóiríochta d'Oifigí NCSE

Tá craobhchóras 41 oifig ag an NCSE ar fud an stáit, an Cheannoifig i mBaile Átha Troim, Contae na Mí, san áireamh. Is ó na hoifigí áitiúla a oibríonn foireann áitiúil NCSE ag cur seirbhísí ar fáil go díreach do na scoileanna agus do na tuismitheoirí an cheantair. Leanann an NCSE den chraobhchóras oifigí a choinneáil ar bun agus a thabhairt chun cinn de réir na ngnáthnósanna cuí, de réir na riachtanas eagrúcháin agus de réir pholasaí na heagraíochta.

Tugtar sonraí faoi Chóiríocht Oifige NCSE in Aguisín 1. Foilsítear sonraí iomlána caidrimh d'fhonn teacht an phobail ar sheirbhísí Cheannoifig NCSE agus cuirtear an t-eolas sin ar fáil freisin ar an láithreán gréasáin.

Nósanna Imeachta maidir le cúrsaí Airgeadais agus Rialachais

Glacadh leis an gCód Cleachtais maidir le Rialachas Comhlachtaí Stáit agus táthar ag déanamh dá réir.

Tá nósanna oibre á dtabhairt chun cinn ag an gComhairle agus socrú deimhin á dhéanamh ina leith, trínar féidir le fostaithe aon ábhar buartha faoi mhírialtacht a d'fhéadfadh a bheith i gceist leis an tuairiscíocht airgeadais nó le nithe eile a chur in iúl faoi rún agus rinneadh, nuair ba chuí sin, a chinntiú go ndearnadh bearta staidéaracha i ndáil le ceisteanna amhrais ar tarraingíodh aird orthu ar an gcaoi seo.

Lean an NCSE i rith na bliana 2010 de na nósanna imeachta agus de na polasaithe i ndáil le bainistíocht maidir le hábhar baoil agus le gnóthaí soláthair a thabhairt chun cinn ar bhealach atá ag teacht leis an sárchleachtas agus leis an gCód Cleachtais.

Foilsítear Ráitis Airgeadais Bhliantúla na Comhairle don bhliain dar críoch an 31 Nollaig 2010 mar fhoilseachán faoi seach ar an láithreán gréasáin atá ag an NCSE. Tugtar achoimre ar an gcuntas ioncaim agus caiteachais in Aguisín 4 leis an tuarascáil seo.

Cúrsaí Rialachais

Comhairle na Comhairle Náisiúnta um Oideachas Speisialta

Is í Comhairle na Comhairle Náisiúnta um Oideachas Speisialta an tÚdarás Rialachais maidir leis an NCSE. Ceapann an tAire Oideachais agus Scileanna an Chomhairle faoi réir Alt 21 den Acht um Oideachas do Dhaoine a bhfuil Riachtanais Speisialta Oideachais Acu 2004. Ceapadh an chomhairle reatha ar feadh téarma trí bliana dar tús an 1 Eanáir 2010 agus dar críoch an 31 Nollaig 2012.

Cruinnithe na Comhairle

Bhí seacht gcinn de chruinnithe ag an gComhairle i rith na bliana 2010. Tugtar sonraí faoi fhreastal na gcomhaltaí ar fad faoi seach ar na cruinnithe sin sa tábla thíos.

Comhaltaí Chomhairle na NCSE i rith na bliana 2010		Tinreamh
*Sydney Blain (Cathaoirleach)	Iar-Phríomhoide, Coláiste Oideachais Eaglais na hÉireann, Baile Átha Cliath 6.	7
*Siobhán Barron (féach nóta 1 thíos)	Stiúrthóir, an tÚdarás Náisiúnta Míchumais. Ainmnithe ag an NDA.	3
Mick Coughlan (féach nóta 2 thíos)	Príomh-Shíceolaí Clinice leis an Lónra Náisiúnta Foghlama. Ainmnithe ag an NDA.	4
*Teresa Griffin	Príomhoifigeach, An Rannóg Oideachais Speisialta, An Roinn Oideachais agus Scileanna	7
*Seamus Hegarty	Cathaoirleach an Chumainn Idirnáisiúnta don Mheasúnacht ar Ghnóthachan Oideachais. Iar-Stiúrthóir ar an NFER.	5
Marie Kennedy (féach nóta 3 thíos)	Príomhoifigeach, Oifig an Aire Míchumais agus Meabhairsláinte.	4
Pat Kinsella	Príomh-Oide, Coláiste Choilm, Baile an Chollaigh, Co. Chorcaí.	4
Anne Lodge	Príomh-Oide, Coláiste Oideachais Eaglais na hÉireann, Baile Átha Cliath 6.	4
*Don Mahon	Príomh-Chigire Cúnta, An Roinn Oideachais agus Scileanna.	6
*Maighread Ní Ghallchobhair O.P.	Iar-Phríomhoide ar Scoil Benincasa do leanaí a bhfuil deacrachtaí mothúchána agus iompraíochtaí acu.	7
Julie O'Leary	Céimí de chuid Choláiste na hOllscoile, Corcaigh agus mac léinn iarchéime faoi láthair in Ollscoil na hÉireann, Gaillimh.	4
*Tom O'Sullivan	Ard-Rúnaí Cúnta, Chumann Múinteoirí Éireann. Iar-Phríomhoide Scoil Náisiúnta Sheanáin do Bhuachaillí, Luimneach.	6
Joan Russell	Príomh-Oifigeach Feidhmiúcháin (Gníomhach) ar Choiste Gairmoideachais Chontae Chorcaí.	4

Nóta 1: Ceapadh Siobhán Barron ar an gComhairle ar an 16 Márta 2010.

Nóta 2: Ceapadh Mick Coughlan ar an gComhairle ar an 16 Márta 2010.

Nóta 3: D'éirigh Marie Kennedy as an gcomhaltacht ar an gComhairle an 12 Samhain 2010 tar éis a ceapadh i bpost nua.

Nóta 4: Na comhaltaí a gcuirtear * lena n-ainm, tá siad ag fónamh ar an gComhairle don dara téarma.

Coistí de chuid na Comhairle

Chuir an Chomhairle nua cúig cinn de choistí ar bun de réir Alt 33 an Achta EPSÉN. D'oibrigh na coistí sin i rith na bliana 2010 agus cuireadh tuairiscí faoi bhráid na Comhairle de réir na dtéarmaí tagartha agus na dtreoirínte rialachais a d'aontaigh an Chomhairle. Thoiligh comhaltaí na Comhairle feidhmiú ar cheann amháin nó líon níos mó ná sin de na coistí. I gcás an Choiste Iniúchta, tá Cathaoirleach seachtrach ceaptha ag an gComhairle ag a bhfuil taithí a bhaineann le hábhar.

An Coiste Taighde agus Cumarsáide
An Dr Séamus Hegarty (Cathaoirleach)
Tom O Sullivan Uasal
An Dr Anne Lodge Uasal
Julie O'Leary Uasal
Don Mahon Uasal

An Coiste Straitéise agus Polasaí
An tSiúir Maighread Ní Ghallchobhair (Cathaoirleach)
Pat Kinsella Uasal
Marie Kennedy Uasal
Mick Coughlan Uasal

An Coiste Airgeadais
Siobhán Barron Uasal (Cathaoirleach)
Joan Russell Uasal
Teresa Griffin Uasal

An Coiste Iniúchta
Donal Lawlor Uasal (Cathaoirleach)
An tSiúir Maighread Ní Ghallchobhair
An Dr Seamus Hegarty
Siobhán Barron Uasal

An Coiste maidir le Feidhmiúchán an Phrómhfhaidhmeannaigh
Tom O Sullivan (Cathaoirleach)
Sydney Blain Uasal
Siobhán Barron Uasal

Leas-Chathaoirleach na Comhairle

Thogh an Chomhairle an tSiúir Maighread Ní Ghallchobhair ina Leas-Chathaoirleach de réir Alt 19 (Sceideal 1) den Acht um Oideachas do Dhaoine a bhfuil Riachtanais Speisialta Oideachais Acu 2004.

An Fóram Comhairliúcháin

Foráiltear faoi Alt 22 den Acht EPSEN, 2004, d'fhóram comhairliúcháin a chur ar bun ag an gComhairle ar féidir leis an gComhairle comhairle a dhéanamh leis i ndáil le feidhmeanna na comhairle a chomhlíonadh. Is féidir leis an gComhairle suas le seacht nduine dhéag a cheapadh ar an bhfóram sin agus ní mór dul i gcomhairle leis an Aire Oideachais agus Scileanna agus le comhlachtaí eile sula ndéantar na ceapacháin.

Is iad na daoine seo a leanas a bhí ina gcomhaltaí ar an bhFóram Comhairliúcháin i rith na bliana 2010:

Members of the Consultative Forum 2010	
Pat Goff Uasal (Comhchathaoirleach)	Líonra Phríomhoidí Bunscoile na hÉireann
Seán Burke Uasal (Comhchathaoirleach)	Cumann Gairmoideachais na hÉireann
Sally Maguire Uasal	Cumann Meánmhúinteoirí Éireann
An tOllamh Des Swan	Cumann Síceolaithe na hÉireann
Edward Byrne Uasal	Cumann Náisiúnta na mBord Bainistíochta maidir leis an Oideachas Speisialta
Rory O'Sullivan	Cumann Náisiúnta na bPríomhoidí agus na Leas-Phríomhoidí
Marie Therese Kilmartin Uasal	Comhbhord Bainistíochta
Sarah Parlane Uasal	Cumann Náisiúnta na dTuismitheoirí (Bunscoileanna)
Seán Balfé Uasal	Cumann Bainistíochta na mBunscoileanna Caitliceacha
Robert Jones Uasal	Cónaidhm na hÉireann do Dhaoine faoi Mhíchumas
Bernie Ruane Uasal	Aontas Múinteoirí Éireann
Antoinette Nic Gearailt Uasal	Cumann na Scoileanna Pobail is Cuimsitheacha
Mary Van Lieshout Uasal	An tÚdarás Náisiúnta Míchumais
Mary Dunne Uasal	Daoine faoi Mhíchumas in Éirinn
Feargal Brougham Uasal	Cumann Múinteoirí Éireann
Katherine O'Leary Uasal	Cuimsiú Éireann
Patricia McLarty Uasal	Feidhmeannacht na Seirbhíse Sláinte
Alan Sayles Uasal	Ionadaí thar ceann an Aire
Paula Long Uasal	Ionadaí thar ceann an Aire
Terry Reynolds Uasal	Ionadaí thar ceann an Aire

Aguisín 1

Oifigí NCSE*

Baile Átha Troim, Co. na Mí (Ceannoifig NCSE)	
Ceatharlach, Co. Cheatharlach	Port Laoise, Co. Laoise
An Cábhán, Co. an Chábháin	Cora Droma Rúisc, Co. Liatroma
Inis, Co. an Chláir	Cathair Luimnigh
Cathair Chorcaí (Mathún)	An tOspidéal, Co. Luimnigh
Dún Mánmhaí, Co. Chorcaí	An Caisleán Nua Thiar, Co. Luimnigh
Mainistir Fhearmaí, Co. Chorcaí	An Longfort, Co. an Longfoirt
Mala, Co. Chorcaí	Droichead Átha, Co. Lú
Baile Dhún na nGall, Co. Dhún na nGall	Caisleán an Bharraigh, Co. Mhaigh Eo
Leitir Ceanainn, Co. Dhún na nGall	An Uaimh, Co. na Mí
Lár na Cathrach, Baile Átha Cliath	Muineachán, Co. Mhuineacháin
Baile Bhlainséir, Co. Bhaile Átha Cliath	An Tulach Mór, Co. Uíbh Fháilí
An Charraig Dhubh, Co. Bhaile Átha Cliath	Ros Comáin, Co. Ros Comáin
Domhnach Bat, Co. Bhaile Átha Cliath	Sligeach, Co. Shligigh
Camaigh, Co. Bhaile Átha Cliath	Cluain Meala, Co. Thiobraid Árann
Tamhlacht, Co. Bhaile Átha Cliath	An tAonach, Co. Thiobraid Árann
Cathair na Gaillimhe 1	Cathair Phort Láirge
Cathair na Gaillimhe 2	An Muileann gCearr, Co. na hIarmhí
Trá Lí, Co. Chiarraí	Inis Córthaidh, Co. Loch Garman
An Nás, Co. Chill Dara	Cill Chomhghaill, Co. Chill Mhantáin
Cathair Chill Chainnigh	Bealach Conglais, Co. Chill Mhantáin

* Tá eolas ar sheoladh iomlán na n-oifigí ar fáil ar láithreán gréasáin na comhairle ar, www.ncse.ie.

Aguisín 2

Cúrsaí Foirne in NCSE

	Postanna a líonadh sa bhliain 2010
Príomhoifigeach Feidhmiúcháin	1
Príomhoifigeach	4
Príomhoifigeach Cúnta	4.6
Ard-Oifigeach Feidhmiúcháin	5
Oifigeach Feidhmiúcháin	3.5
Oifigeach Foirne	1
Oifigeach Cléireachais	3
Eagraí Riachtanas Speisialta Oideachais Sinsearach	12
Eagraí Riachtanas Speisialta Oideachais	75
Iomlán	109.1

Táblaí Staitisticí maidir leis an mBliain Acadúil 2009 – 2010

Anailís ar na hIarratais maidir le Cúnamh Taca Acmhainní Múinteoireachta: Bunscoileanna (Scoileanna Speisialta san áireamh)

Iarratais maidir le hAcmhainn Múinteoireachta


6,558 iarratas a fuarthas maidir le cúnamh taca múinteoireachta acmhainne breise i ndáil le leanaí atá faoi mhíchumas bunmhinicíochta ós tríd an Múnla Dáiliúcháin Ginearálta atá i bhfeidhm i ndáil leis na bunscoileanna a chuirtear cúnamh taca ar fáil do leanaí atá faoi mhíchumas ardmhinicíochta. Bhí de thoradh ar an 6,558 iarratas sin gur ceadaiódh an cúnamh taca múinteoireachta acmhainne breise i gcás 5,275 (80%) de na hiarratais.

4,052 iarratas a fuarthas maidir le deis ar chúnamh taca ó SNA. Fuarthas roinnt iarratas i ndáil leis sin ó leanaí atá faoi mhíchumas ardmhinicíochta, iad siúd atá faoi Mhíchumas Ginearálta Foghlama Éadrom den chuid is mó. Bhí de thoradh ar an 4,052 iarratas gur ceadaiódh cúnamh taca ó SNA i gcás 2,651 (65%) de na hiarratais.

Léirítear leis an anailís ar na hacmhainní a ceadaiódh briseadh síos de réir chineálacha an mhíchumais mar atá sna graif thíos.


Uaireanta Acmhainne a Ceadaiódh de réir Chineál an Mhíchumais – Daltaí Bunscoile (Scoileanna den Ghnáthchineál)*

*tugtar san áireamh daltaí i ranganna speisialta i suíomhanna den ghnáthchineál



Cúnamh Taca SNA a Ceadaíodh de réir Chineál an Mhíchumais – Daltaí Bunscoile (Scoileanna den Ghnáthchineál)*

*tugtar san áireamh daltaí i ranganna speisialta i suíomhanna den ghnáthchineál



Bunchomhairle chríochnúil

Is féidir pátrúin mar seo a leanas a thabhairt faoi deara ar na figiúirí thuasluaite:

- Bhain 25% de na hiarratais ar glacadh leo maidir le cúnamh taca acmhainní breise múinteoireachta agus 30% de na hiarratais ar glacadh leo maidir le deis ar SNA le leanaí a bhfuil cur isteach mothúchánach iompraíochta nó cur isteach mothúchánach iompraíochta tromchúiseach ag gabháil dóibh.
- Bhain 17% de na hiarratais ar glacadh leo maidir le acmhainn múinteoireachta agus 15% de na hiarratais ar glacadh leo maidir le deis ar SNA le leanaí atá faoi mhíchumas fisiciúil.
- Bhain 20% de na hiarratais ar glacadh leo maidir le acmhainn múinteoireachta agus 28% de na hiarratais ar glacadh leo maidir le deis ar SNA le leanaí a bhfuil neamhord ar speictream an uathachais ag gabháil dóibh.
- Bhain 20% de na hiarratais ar glacadh leo maidir le acmhainn múinteoireachta agus 3% de na hiarratais ar glacadh leo maidir le deis ar SNA le leanaí a bhfuil Neamhord Sainiúil Urlabhra agus Teanga ag dul dóibh.


Anailís ar na hIarratais maidir le Dáileadh Acmhainní: Scoileanna Iarbhunscoile

Tugtar daltaí atá faoi mhíchumas ardmhínicíochta san áireamh leis na figiúirí seo ós leis an leibhéal bunscoile amháin a bhaineann an Múnla Dáiliúcháin Ginearálta.


7,063 iarratas a fuarthas maidir le cúnamh taca múinteoireachta acmhainne breise. Bhí de thoradh orthu sin gur ceadaíodh an cúnamh taca múinteoireachta acmhainne breise i gcás 4,646 (66%) de na hIarratais.

1,730 iarratas a fuarthas maidir le deis ar chúnamh taca ó SNA. Bhí de thoradh orthu sin gur ceadaíodh an cúnamh taca SNA i gcás 955 (55%) de na hIarratais

Uaireanta Acmhainne a Ceadaíodh de réir Chineál an Mhíchumais – Daltaí Iarbhunscoile



Cúnamh Taca SNA a Ceadaíodh de réir Chineál an Mhíchumais – Daltaí Iarbhunscoile



Bunchomhairle chríochnúil

Is féidir pátrúin mar seo a leanas a thabhairt faoi deara ar na figiúirí thuasluaite:

- Bhain 17% de na hiarratais ar glacadh leo maidir le cúnamh taca breise múinteoireachta agus 34% de na hiarratais ar glacadh leo maidir le deis ar SNA le leanaí a bhfuil cur isteach mothúchánach iompraíochta nó cur isteach mothúchánach iompraíochta tromchúiseach ag gabháil dóibh
- Bhain 52% de na hiarratais ar glacadh leo maidir le cúnamh taca breise múinteoireachta le leanaí atá faoi mhíchumas ardmhinicíochta
- Bhain 17% de na hiarratais ar glacadh leo maidir le cúnamh taca breise múinteoireachta agus 6% de na hiarratais ar glacadh leo maidir le deis ar SNA le leanaí a bhfuil míchumas ginearálta foghlama éadrom ag gabháil dóibh.

Aguisín 4

Achoimre ar na Ráitis Airgeadais don bhliain 2010*

	2010	2009
	€	€
Ioncam		
Deontas Stáit	8,216,000	9,250,000
Aistriú chuig an gCuntas Caipitil	119,499	193,769
Ioncam eile	13,545	22,175
	<hr/> 8,349,044	<hr/> 9,465,944
 Caiteachas	 (8,582,886)	 (9,622,765)
Farasbarr/(Easnamh) ioncaim i gcomórtas leis an gcaiteachas	(233,842)	(156,821)
Farasbarr ar an 1 Eanáir	667,116	823,937
Farasbarr ar an 31 Nollaig	433,274	667,116

* Sliocht as na Ráitis Airgeadais Bhliantúla iniúchta don bhliain dar críoch an 31 Nollaig 2010. Tá cóip de na ráitis airgeadais ar fáil ar www.ncse.ie.

